

Zeitschrift: Anzeiger für schweizerische Altertumskunde : Neue Folge = Indicateur d'antiquités suisses : Nouvelle série

Herausgeber: Schweizerisches Landesmuseum

Band: 35 (1933)

Heft: 1

Artikel: Schaffhauser Goldschmiede des XV. u. XVI. Jahrhunderts : Auszüge aus den Ratsprotokollen und Rechnungsbüchern der Stadt im Staatsarchiv Schaffhausen

Autor: Bendel, M.

DOI: <https://doi.org/10.5169/seals-161548>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 19.01.2026

ETH-Bibliothek Zürich, E-Periodica, <https://www.e-periodica.ch>

Schaffhauser Goldschmiede des XV. u. XVI. Jahrhunderts.

Auszüge aus den Ratsprotokollen und Rechnungsbüchern der Stadt
im Staatsarchiv Schaffhausen.

Von M. Bendel.

(Fortsetzung.)

197. 1564 R.P. Item *Hanns Hainrich bell* recht geordnetter vogt Michel Ferlis seligen kinden hat in derselbigen namen verkoufft unnd zekouffen geben ... genannter kinder reben ... Mittwuchen den xxvj Julij.
198. 1564 R.P. Zwischennd Eucharius läger vogt zu blumberg an ainem unnd *Baschion Brun* am andern thail ist nach clag antwurt redt widerredt unnd allem fürwandt gesprochen unnd vogt Eucharius ledig erkennt unnd baschion brun umb das er gegen Eucharius zuckt unnd bösen beschaid geben ist er busswürdig erkennt unnd umb x gld. uff gnad gestrafft soll min Herren in monatsfrist abfergen, juravit.
Mittwuchen den jjjj ten octobris.
199. 1564 R.P. Item *Hainrich Höscheller* unnd justina Lamprechtin sin eeliche husfrow burgerin alhie wellen Elsbetha pfannenmacherin wylundt Conrat Schaggen des scherers seligen husfrowen ir liebe geschwiger unnd schwester unnd derselben vogte J. Caspar schamlern versichern unnd versorgen umb j C gulden hauptgutz ... unnd darumben zu Rechten underpfanndt einsetzen ir ... huss hofe unnd hoffstadt inn der unndern statt glegen zwüschent J. Batt Brunner und Rüdger hubers hüsern...
Mentags am 16. Octobris.
200. 1564 R.P. *Bastion Brunen* der hievor begangnen frevels halb gegen dem vogt von plumberg p 10 gld. uff gnad gestrafft ist dises gnad erzaigt, soll diser tagzyth j gld. erlegen. Mitwochs am 8. Novembris.
201. 1564 R.P. J. Stoffel Wagenn ist Herr *Wilhelm schuppen* wittwen zum vogt gebenn. Mittwuchen den xxj Februarij.
202. 1564 R.P. Alexander Senn unnd *Hainrich Thamler* sollen durch die verordneten beschowen werdenn mit was Kranckheit er beladen. Mittwuchen den vj ten Martij.
203. 1566 R.P. Marx Bell der Jung unnd sin husfrow ains sodann *Hainrich Höscheller* der Goldtschmidt andersthails sinndt irer sachen und spans für ain erbare Zunfft der Gerber zu Entschaid gewisen.
Mitwochs am 27 ten Martij.
204. 1567 Kl.R.A. Item j Pf. j S. vj H. geben *Hainrich Belle* dem Goldtschmidt umb etlich köpf unnd Löffel zuverlöten eodem (Sonntag nach Medardi).
205. 1567 R.P. Conrat Bery ist wylundt *Baschion Brunen* seligen wittwen zum vogt geben.
Fritags den 8 ten Augustj.
206. 1567 R.P. Hans Habch der Jung ist *Hannsen Ammans* dess Goldtschmidts kindern so er bi hievoriger siner Husfrowen seligen erzüget zu ainem vogt geben unnd veordnet.
Mentags am 8 ten Septembris.
207. 1567 R.P. *Caspar Hass* von rottwyl so zu ainem burger angenommen hatt diss raths sin manrecht bracht, hieruff zu ainem burger angenommen. Frytags den Lestenn octobris.
208. 1568 R.P. Uff underthänig fürbringen der *Maister Goldtschmid* Handwerchs habend min Herren erkent, min Herren seckelmaister sampt Herrn Statthalter M. L. ochs

unnd Hanns Jacob Ziegler die goldschmid ordnung für sich nemen unnd der goldschmiden beschwerden abhören unnd an new ordnung machen. der frömden silber krommer halben ist ingestelt byss man von wegen der gewerben handelt.

Frytags am 9. Januarij.

209. 1568 R.P. Herr Statthalter M. Ludwig ochs soll *Baschion Brunen* wittwen unnd iren gesellen beschickenn unnd sy erfragen ob sy an andren genomen. Frytags am 9. Januarij.

210. 1568 R.P. *Baschion Brunen* seligen nachfar wellen min Herren byss pfingsten hie wonen lassen, soll den goldtschmid aidt thon, ist uff pitt des vogts von kreyen beschehen.

Frytags den vjjj ten Apprilis.

211. 1568 R.P. J. Christoph waldkirch, Caspar schamler, Hanns Jacob Ziegler sind geordnet den goldschmiden kantengiesser ire silber zins gwicht und wagen beschowen, desglichen den krömmern mezger waagen probieren.

Antipenultima Apprilis.

212. 1568 R.P. *Sebastian Brunen* seligen nachfar *Caspar Kern* von Ulm wellen min Herren zu ainem burger annemen, doch soll er sin manrecht unnd abschid mit sich bringen, doch soll die wittwen ir hab und gut verabzugen.

Frytags den xxx ten Julij.

213. 1568 R.P. *Caspar Kern* von Ichenhusen hatt sin manrecht bracht, ist ime das burgrecht geben. Frytags den jjj Decembris.

214. 1569 R.P. Zwüschen Jacob Dornhain, ludwig dornhain von Rottwyl, Georg sayler, Conrat Thüss unnd *Baschion Brunen* nachfar an ainem unnd Conrat Sigrist und sinem Vatter am andern thaill sind datzu geordnet Herr Burgermaister Ringh obman, J. Hanns im Thurn, Mathias Munitesch, Conrat schagg, J. Caspar Schamler sollen unverzogentlich zesamen komen unnd wo muglich sy verainbaren.

Montags ultima Januarij.

215. 1569 R.P. Item Jacob Dornnhan, Georg Kübler, Conrat Tüwss, *Caspar Khernn* Burgere alhie sodann Ludwig Dornnhan Burger zu Rottwyl unnd Hanns Götz von Schwaa-bach alle sechs geschwägere haben verkoufft unnd zekouffen gebenn Conrat Thorern alhie benanntlich huss hofe unnd hoffstatt der würtschafft zum Rappen ... in der ndern Statt ...

Mittwochs am 2 ten Martij.

216. 1569 R.P. Zwüschent Jacoben Dornhan, Jörg Küblern unnd Connrat Tüwschen ains so-dann *Caspar Kernen* irem Schwager anndersthails ist inen zu allenthailen gesagt das sy gegen ainandren fründtlich unnd fridlich sygen, guten beschaidt gebint insonnders Caspar Kernen sinem erpieten statt thue unnd sine schwäger zale.

Mittwochs am 30. Martij.

217. 1569 Kl R.A. Item xxx Pf. xv S. gebenn den herren Rechnern so sy uss erkanndtnuss miner Herren herrn Dasipodio vereert zu ainem *silbern Becher* uf frytag nach urbanj.

218. 1569 R.P. Zwüschend *Caspar Kern* dem goldschmid an ainem, Baltasar Kropf am andren unnd Hanns Sathas zur dritten sitten, ist nach klag antwurt red widerred und allem fürwand erkent, diewyl die parthyen ain andren der clegten und antwurten nich gichtig ist inen kundtschafft zugelassen. der Kern hat gepotten Hanns Müller provisoren, der wyginen dochter, Sampson schwitzer, Hans Sathas hatt gepotten Barbara schonegerin, jung-gutjar, der kropf hat gepotten Jerg stüdl den schwaben sollen zu allen thailen sagen, wie diser gspon sich erhaben, sollen in dryen burgerräthen verhört werden unnd die parthyen ain andren darzu verkunden. Fürsprecher Wydmer, schmid, M. Munitesch.

Mittwuchen den xxj Julij.

219. 1570 R.P. *Hainrich Damlers* kind soll sin grossmutter erhalten, wellen min Herren iren von

Hans Conrat Peyers ampt ain Jarlang jede fronfasten jj fl. mülikorn geben, sollen die zway ersten fl. uff jetz Luciae gefallen.

Frytags den 24 ten Nouembris.

220. 1570 R.P. Item *Caspar Kern* und *Agnesa Dornhanin* ehedemecht haben verkoufft unnd Bat oswalden zu kouffen geben ir halben vierling Rāben so hoffstatt rächt hatt im Dorff zu Buchthalen gelegen, stossendt an baid strassen unnd ann Ittelhanns Zollers hus ...

7. Februarij.

221. 1570 Kl.R.A. Item jj Pf. xvj S. *Caspar Kern* dem Goldtschmidt umb dry silbery Bechern und vjjj Löffel zuo löten unnd zuo machen, eodem. Donstag nach Judica.

222. 1570 R.P. Item Herr Blesi Ochss unnd Anna Brümsin sin eeliche Husfrow haben verkoufft unnd zekouffen geben *Wernherr Zentgraffen* dem Münzmaister ir eegemechte huss hof unnd hoffstatt an der Repfergassen zwüschent Hanns Jacob Bertzen seligen witwen behusung genannet zum Kützli unnd dem wöschhuss gelegen, stosst hinten an Herrn Doctor Martin payer unnd vornen an die gassen.

21. Jnnij.

223. 1570 R.P. Gon Baden schriben von wegen *Petter müllers* Goldschmids von Ulm unnd unserer burgern Christoph oswald unnd *Caspar Kern* von wegen des silbergeschires so die Juden zu Baden gericht alhir verkoufft.

8. Dez.

224. 1570 Kl.R.A. Item jjjj fl. win *Caspar Hass* dem Goldtschmidt.

225. 1571 R.P. *Paul Pittlinger* so für inne sin wyb unnd kinder uss Armutt dess Spittals begeren sindt ouch für die Herren Spittalspflegere gewiesen. Frytags den v ten Januarij.

226. 1571 R.P. Ainem fechtmaister *Goldtschmidt handtwercks* von Costannz ist vergonnen nechstkünfftig Sonntags ain fechtschul zhalten, soll von ainer person nitt mer dann 2 haller nemen, unnd wann etliche Burger bj ime zeleeren begerten unnd er sich dessen inlassen wöllte mag er min Herren darumb ime solchs zuuergonnen oder abzeschlagen anlanngen. Mittwuchen den vjj. Februarij.

227. 1571 R.P. Verordnete über die Brunnen: Brunnen by des Hurters egh, *Hanns Amman* goldschmid. Pfingsten.

228. 1571 R.P. *Hainrich Damlers* seligen son wellen min herren zu dem schriber gon Dachsen (uff sin erpietten) volgender gestalt verdingen, ain Jar lang byss er erstarckt (doch jedes jars besonders) das ime solle von sant Agneser ampt v gl. jj mut korn von Hans Conrat peyers ampt werden. Mittwuchen den xvjjten Julij.

229. 1571 R.P. Item Mathias Herttenstain unnd veronica Bucherin sin eheliche Husfrow habennet verkoufft unnd zekouffen geben *Hainrich Höscheller* dem Goldschmiden ir j Juchart reben an Sant agneser berg gelegen ...

Montags den 24. September.

230. 1571 Kl.R.A. j Pf. xj S. vj H. *Hanns Hainrich Bellen* dem Goldtschmidt vomn 2 Bechern zuolöten unnd 7 Löffel angemacht unnd die löfel darzuo geben, unnder J. Hannsen Wenj, alten pfleger verlofen. uf Sontag nach Sant Gallen tag.

231. 1571 R.P. *Caspar Kernen* gesell beschicken unnd ansprechen umb das er übel gesehwen.

Montags den xvj Decembris.

232. 1571 R.P. Hainrich Segeman Burger alhie unnd sesshafft zu Basel hatt verkoufft unnd *Caspar Kernen* dem goldschmid zu kouffen geben sine jjj virl reben im Müli-thal gelegen ... Frytags den xvjjj Januarij.

233. 1572 R.P. *Bartlime Hol* von Rudlingen ain goldschmid ist umb übelshwerens willen umb jjj Pf. on gnad gestrafft.

■ 9. Januar.

234. 1572 R.P. Pittendt umb Sannct Johannis Kilchen Ampt: *Hanns Amman* der Goldtschmidt. Mentags den letsten Apprilis.

235. 1572 R.P. Item Herr Doctor Burgower unnd Beatt Löw alls vormünder unnd vögt Daniel Löwen ires schwager und bruders haben mit vorwüssen und bewilligen desselben ires Schwager unnd bruders ouch J. Marxen wisslers als vogt sin Daniel Löwen wybs unnd kindern verkoufft unnd zekouffen geben *Caspar Hosen* dem Goldtschmidt benamdlich gedechts Danniel Löwen huss hofe unnd hoffstatt sambt dem Laden daran am Gotzacker gelegen stosst an wylundt Hanns Alttorffers seligen huss unnd stallung hinden an Ulrich Müllers Krutgarten unnd vornenn an die gassen ...
Frytags am 13 ten Junij.
236. 1571 R.P. Zwüschen Beat Löwen ains und *Caspar Haas* am andren thail ist erkentht das Beat Löw dem Hasen die stück so angenaglet wider umb in sin erkouffte behusung thon solle, damenthin soll der ...
Mittwochs am 12 ten Augustj.
237. 1573 R.P. Im versammelten Rath soll von wegen *Caspar Kernen* Goldschmidts geredt werden.
Mittwuchen Martini.
238. 1574 R.P. Wernli wezel soll maister *Casper Kern* bezallen oder sin underpfand ime innemen.
Frytags den zehenden septembris.
239. 1574 R.P. Es ist erkentht das werli wezel *Caspar kernen* dem goldschmid sinen wingarten im mülihall, nach luth siner habenden gantbrief inhendig machen.
Frytags Conradi, den 26. Nouembris.
240. 1575 R.P. *Caspar Kern* der Goldtschmidt wellcher gott den Almechtigen übel mit vilfaltigen schweren gelestert, sin wyb verschiner nächten ouch mit übel schweren misshandelt unnd dem scharwechter Hanns aychegger welcher in der nacht umb xj urh das best darzu reden wellen getruwet er welle ain küglen durch in schiessen ...
20. Juni.
241. 1575 Kl.R.A. jj Pf. vj S. umb ain fuorfass *Caspar Kernen* dem goldtschmidt.
242. 1576 R.P. In Sachen rechtens zwüschen georgen mäder grichtsschriber Jacob Dornhain alss vögt *Sebastian Brunen* seligen unnd ... Dornhanin kinden an einem unnd *Caspar Kern* gemelter Dornhainin jetzigen eheman in by sin der selbigen am andern thail ist uff vertruwen des klagenden thails guttlich gesprochen, das die gespenigen j C gl. von der abgestorbenen tochter herlangende gethailt L gl. Caspar Kernen unnd L gl. den überblibenen kinden verbliben unnd diewyl dan Caspar kern xl gl. verfallen Zinss by obgemelten j C gl. schuldug dieselben uffgehept sin, unnd wan für hin gemelter kinden ains oder mer one erben uss inen erboren thods verschaiden wurde als dan sollen die überblibenen kinder ain andern erben unnd Caspar Kern unnd sin frow (der kinden mutter) kain ansprach daran haben noch immer suchen unnd den kinden ir ligende unnd varrende gutter überantwurten unnd als diser spruch publiciert unnd eroffnet hatt sich Caspar Kern hochlich beschwert, den nit annemen wollen unnd sich den lieblichen rechten underworffen. daruff die vogt sich protestiert, das ine ir bewilligen in die guttikait une schedlich im rechten sin solle.
Mittwuchen den 11. Januarij.
243. 1576 R.P. Zwüschen Hanns Keller unnd Hanns Kessler von Diessenhofen ains so dan *Wernher Centgraff* müntzmaister am andern thail ist nach clag antwurt redt widerredt unnd all fürwand unnd nach verhörung ains schuldzedels zu recht erkentht, das die von Diessenhoffen wie recht ussbringen, das sy nach verschinung des Termins zu ime müntzer oder siner frowen geschickt unnd gepetten das er die versetzten becher nit schmelzen solle sonders noch ain zyt warten, wellen sy die becher wider lösen ...
Fritags den 3. Februarij.

244. 1576. R.P. Zwüschen *Hanns Ammann* Goldschmid ains, so dan Hainrichen moser sinem dochterman am andren unnd Hanns Habchen dem Holzherren als vogt gemelts Hanns Amans 6 vorkinder, die er by Madlena vellin seligen ehelichen überkommen zur dritten siten ist nach clag antwurt redt widerredt allem fürwandt unnd nach verhörung der Kundtschafft zu recht erkent, das Hanns Amman sinen vorkindern ir mütterlich hab unnd gutt zustellen unnd übergeben solle, demnach solle ime Hanns Amman von siner ersten frowen Madlena velin seligen jj C gl. an ainem ligenden gutt oder an Zinssbriefen oder barem gelt geben, ist dem kinden unnd irem vogt gwalt geben, doch der gestalt das wan Hanns Amman die schuld der natur bezahlt unnd tods verschaiden, als dan sollen die j C gl. widerumb an sine ersten vorkinder die andren j C gl. sollen under Hanns Ammans vor unnd nach kinder fallen unnd gethailt werden, unnd solle hiemit alle gspen rechnungen unnd was sich in diser sachen verlossen uffgehaben sin.

Mentags am 30 ten Julij.

245. 1576 R.P. Zwüschen Georg Mäder grichtsschreiber als fürmunder unnd vogt wylundt *Sebastian Brunen* seligen kind (Erasmus, Jacob, Hanns, Lienhart, Elsbetha) die er by Agness Dornhainin (jetz *Caspar Kernen* frowen) ehelichen erzüget mit bystand Jacoben Dornhains an ainem so dan Caspar Kernen unnd gemelter siner ehefrowen am andern thail ist zurecht erkent, das die verfalne Zinss darumb gspen gewesen uffgehept und soll Caspar kern an den j C gl. so er sinen stieffkindern schuldig j gl. nachgelassen werden, für sin ansprach uncostens so er mit inen gehept, das übrig aber irem vogt ussrichten unnd bezalen sollen, unnd gemeltem Caspar kernen das grass unnd ops in dem garten im vesenstoub diss jars beliben unnd die kindt den garten wümben unnd diewil ain ledige dochter tods verschaiden, da ist erkent, sy die andren geschwüsterigen (unnd mit die mutter erben, unnd sollen der mutter kainen kindsthail zegeben schuldig sin sonders den kinden verbliben. Mentags am 30. Julij.

246. 1576 R.P. ... zekouffen geben ir huss hoff unnd hoffstatt am obermarkt gelegen stossend unden an *Hanns Amman* den goldschmid oben an Hanns pfander ...

Mittwuchs 12. Septembris.

247. 1576 R.P. *Caspar Has* der Goldschmid soll von wegen siner mutter zu Rottwyl den abzug byss Liechtmess an barem gelt erlegen.

Frytags am 28. ten Decembris.

248. 1577 R.P. Item *Caspar Kern* unnd Agnesa Dornnhanin haben verkoufft unnd michael hagenloch zekouffen geben namblich ir eegemechte wingarten sambt dem wisspletz inn gruben dessen alles ungefährlich ain Juchart zwüschen Adam binders unnd Anna jungin wingärten ...

Frytags den 22. ten Februarij.

249. 1577 R.P. *Hanns Amman* der goldschmid ist Zacharias Gyssels kind zum vogt geben. Frytags den 15. Martij.

250. 1577 R.P. Uff *Wernher Zennitgrafen* müntzmaisters fürpringen ist erkenndt diewyl er müntzmaister als geordneter vogt wylundt Hans Spitzlins seligen kind umb die 100 fl. so er von desselben sines vogtkindts erbs wegen zu Collmar empfangen, Jar unnd tag vertrösten müssen, so sollen ime müntzmaistern dieselben 100 gld. ain Jar lang by sinen handen behalten unnd nach verschinung des Jars mitt sambt dem gepürenden Zinss dem kind an Zinss anzuwenden erlegen unnd darumb erbare Rechnung thun solle.

Mentags am 22 ten Apprilis.

251. 1577 R.P. *Hanns Amman* der goldschmid geordneter vogt Belli wannenmakers soll ainen knaben von Feldtkirch, welcher by bellin gewerket umb das gelt, so ime belli genommen ainen willen machen unnd bezallen als dan soll er belli in ain blochuss gelegt werden. Frytags den 30. ten Augustj.

252. 1577 R.P. Unnd sind verordnet ain *silbergeschirr* zu ainer gab (uff der Hochzeit gon wartenberg Herr Christoph des hailigen rō. Richs Erbtrucksess und freiheerr zu waldburg und ainem fröulain von fürstenberg) zu machen lassen, baide herren Burgermaister, baide herren Seckelmaister unnd hanns im thurn. 20. Septembris.
253. 1577 St.R.A. Item j Pf. v S. gabend wir dem *Hans Hainrich Bell* für ain brob nüw dopel firrer von Basel zu probieren 4 und von etlichen bechern zu löten ufs Rathuss costen 4 S., mer 16 S. von 3 becher zu löten und zu vergülden in den bomgarten. als obstat. Samstag, 21. Octobris.
254. 1577 St. R.A. Item lxxvj Pf. vjj S. zaltendt wir *Hanns hainrich Bellen* von ainem hohen sylbernen becher ze machend wigt 62 loth jedes loth 12 batzen 1 krz und von unseren Eerenwappen an 2 orten darin und daruf geschmelzt von jedem 2 fl. und ain fueter dorzu gemacht cost 20 S. habend unsere Herren verert durch H. B. Hanns Cunradt Meyer und H. B. Dietegen von Wildenberg dem wolgeborenen Hr. Graf Hainrich zu Fürstenberg uf Irgn. Frowen Anna maria hochzit ... so dem wolgeborenen H. Crystoff fryherr zu waldburg vermehlet worden. Sampstag vor symon und Juda anno 77. (21. Okt.)
255. 1578 R.P. Nachdem kutzverrückter Zythen allen goldtschmiden alhie ier Läden durch die Verordneten visitiert unnd ire Arbaitt probiert inn wellichen fhäl männgel unnd gebrechen befunden, darumb sie gemainlich unnd sonderlich für Rath beschickt unnd der sachen angesprochen worden, also uff ir gegebne Anndtwurten haben min gnedig Herren erkhenndt, das gedachte Goldtschmidt gemainlich unnd jeder innsonders (ussgenommen *Gallus Oerlinger*, welcher inn der prob mitt siner Arbaitt wol bestanden) je ainer nachdem der fhäl unnd manngel befunden gestrafft werden sollen, sölliche straffen zu taxieren unnd gemelten Goldtschmidten von nüwem gepürlichen Ayde unnd Ordnung zu stellen sindt geordnett Herr Burgermaister Ringkh, baide Herren Seckelmaister, J. Hanns Bul, J. Hanns Jacob Ziegler, J. Hanns Im Thurnn, die sachen soll fürderlich verricht unnd wider an min Herren ainen ehrsamem Rath gebracht werden. Mentags den x ten Martij.
256. 1578 R.P. Herr J. Hanns Plattmann, Züwgherr Hainrich Schwartz unnd *Hanns Ammann* goldtschmidt alls geordnete Vormünder unnd Vögte Balthassar Wannenmachers unnd siner husfrowen söllent den wyn so inen ehегemechten diz Jars erwachsen unnd jetzigen herpstes ingehaimbset zu ermelter ehегemechte posten nutz an ire schulden oder sonst annderer guter gelegenheit hingeben unnd verwennden. Frytags den 24 ten Octobris.
257. 1578 R.P. Hanns Jacob Ziegler, Hanns Caspar Stocker, Anthonj Spissegger, Beat wilhelm im thurn sind geordnet den *Goldschmiden* so an der prob gefelt, ir straff machen was jeder geben solle unnd was jeder für becher zering gemacht, die sollen die selbigen in iren costen wider machen unnd gutte prob geben. Frytags den 12 ten Decembris.
258. 1578 Kl.R.A. vj S. von ainem silbern becher zuo löten.
xv S. von der fürsprüzen und ainem silbern becher zuo löten.
259. 1579 R.P. J. Conrat schaggen dochter, *schnidern* des Goldschmids frow sollen die Doctores unnd Magistri beschowen mit was Krankhait sy behafft unnd hernach min Herrn berichten. Frytags anti penultima May.
260. 1579 St.R.A. Item j Pf. vj S. zalten wir an *Hans Hainrich bellen*, goldschmid von der glaytbüchs so Hainrich stössel drayt die ketten wider zemachen und von Bartlome oschwald alt grosswaybels beschlagen Musscatnuss so an myner Herren maal uf Rathus zerbrochen ouch widerumb zemachen. sambstag vor Johannis. 22. Juni.